

于湖題襟集
一



于湖題集

一

于湖題襟集

(一)

袁昶編錄

敘

國初王新城爲司李維揚。吏牒清簡。頗招徠。山澤遺民。若林古度。邵潛夫。杜于皇。費此度之流。創立詩社。好事者謂其畫了公事。夜接詞人。以爲美談。夫終歲綿綿硃硃。以三百六旬勤課吏事。而遇一二春秋佳日。偶爲游息。高明攀躋林壑。以適其怡曠之遠性。孤往之夙抱。文武之道。一弛一張。蓋達者所無譏焉。而豈浮文妨要。虛談廢務之爲乎。吾師重黎先生。剖竹于湖。六條察吏。地故鄣郡。山越聚壘。民教雜糅。嚴猛則怨譟繁興。清靜則吏民玩法。先生以經術飾吏治。不言而民信。案牘之暇。偶以禋朝月夕。與二三賓舊。登臨宴集。上下論議古今。滔滔清駛。若河決上源而導之東注。曲折往復。必窮其濫觴而竟其尾閭。其所賓禮。皆一時之才雋。緣興而作。旣唱且和。詩多清新雅飭。斐然可讀。文句之間。有性韻高勝。迴絕塵表處。其下者亦足以瑯鏤萬物。秕糠衆家。因付寫官。輯而錄之。以志一時雅集。所鈔雜文。亦積二卷。頗多搜雅。故之芳潤。切古近之事變。殆古之良吏所不廢也。軫出門西笑。道由江介。謁先生於官舍。得讀是編。性耽樸學。不習爲詩。顧以王內史寫臨河帖。聞人比于潘安仁金谷集。敘亦殊欣然。愜其標寄。此集方之王司李之治春詩社。賓賢之盛。投贈之雅。無多讓焉。亦一時勝事也。至於先生之存期窈妙。殷憂時局。孤懷悄然。志周事外。則又非軫之所能測識者矣。豈徒以吏餘社集。供好事者美談云乎哉。光緒甲午三月。門下士嘉應饒軫。

于湖題襟集

詩一

至于湖訪漸西夜闌話舊

仁和譚廷獻仲修

依依江上雲。風水此邈迤。會合若無心。千里不踰咫。分手十七年。離緒無終始。烹魚尺素書。累幅難悲喜。相見乍忘言。坐久論方駛。譬彼絲在縷。譬彼玉受理。沈思不可說。方寸徒填委。高齋與斗室。哀樂同此指。老矣炳爛游。虛空不忘視。

同游赭山塔院

九辨淩秋得氣多。招攜乘興訪煙蘿。山林垂老遠昏嫁。車笠當年寄嘯歌。盪滴江光疏樹接。回旋塔影夕陽過。放顛衲子無生話。桑下難留奈客何。

和知稼樓見懷之作

南海張蔭桓樵壘

塵世難逢去後思。高樓無恙峙湖湄。前塵慚觸紉如鼓。芳訊遙傳杜若詩。望裏九華仙子宅。情違三宿梵王祠。樓在永福庵西。懸知秋稼如雲日。醉倒山公白接離。

登南樓有懷張侍郎

桐廬袁昶重黎

傑閣朱欄控上游。參差碧瓦與雲浮。文游詆宕成今憶。佳會登臨託勝流。一片潮生鎮西宅。四圍山入庾

公樓勸耕父老思賢將荷鍤分秧翠滿囷。

與重黎書

恩施樊增祥雪門

臘日得手復及詩。知夏五詩筒未登籤室。三復書辭。悅接言議。清詩繪斐。如昨生果聽仙樂也。獻歲發春。惟政通人和。福履休咎。深爲慶慰。公天姿近道。早參平解。故鄣列郡。習習華風。士女登仙。江山獻狀。何其逸也。增祥姿性疏悅。遠道日遠。三十以前。頗思經緯世務。點廁朝列。一墮風塵。頓纏煩苦。中更憂患。夙志漸墜。再入秦關。復塵劇邑。祿入較豐。甯忘報稱。是以戴星喘月。事必先勞。涉歷日久。艱阻備嘗。世途情僞。劣能諳悉。秤情決事。頗信於民。然養氣未能。動卽怒張。大抵日必聽訟。無情之詞。桀黠之衆。撻詈兼施。比於火烈。及退食。嗒然不勝其懣。驚牛負輓。甯可久居。涉世卅年。謗譽參半。不知者礪刃見讎。知之者推心見待。雖復粗官。久困文字之性。故存府主定興公將軍榮公。頗以國士之知。躋之賓坐。箋奏屬屢。頻見委屬。漆以用而割。麝以香自殘。並坐浮名。自貽身累。以祥視之。復何所異。旣爲官身。頗妨作達。伎樂溪山。殆非我有。偶得暇晷。亦頗岑寂。惟佳茗一杯。新詩四韻。是其樂處。或謂有妨政事。此殆不然。古人琴瑟。斯須不去。歐蘇篇翰最多。史稱其深於吏事。吾屬苦趣。獨在於斯。不當使鶴去雲。強魚離水也。別後。屏軀幸健。往年借資丸藥。今都不用。家人等亦安好。前年閏月。舉一男。命之曰度。健如黃犢。新婦又有身。祥到渭南。恆自方白陸。此一事差勝香山。卻未能如渭南老子多男。邊膝耳一笑。見寄二律。並已答和。別紙所示。又和其七。謹以寫上。去冬哀集所爲詩詞。可廿餘卷。比已寫刻。近年篇什往復。獨公與恣伯師爲多耳。去年

寄詩未達。諭令重錄。此間寫官還家度歲。頃猶未至。或俟殺青既竟。一齊寄閱。高齋清暇。觸物念離。時惠德音。豈勝翹企。

和九月初重至皖僦一破屋而居

澄江如練帶通圍。坐對煙中碧玉鬟。老圃寒花香較晚。秋風茅屋夢初還。門前蜩集千官刺。天際龍眠一角山。剛把蘧廬比仁義。尋常一宿亦開顏。

和繆西晴望

霜林殘照逼人殷。破屋茶鐺暫得閒。斂版西來緣底事。天教閒看皖公山。

和戲贈同年台州王子裳太守

天台有玉女。顏色如朝霞。王子控鶴來。吹笙載還家。爲點眉心黛。親安髻上花。調羹出翠釜。讀曲善紅牙。夫人工填詞。一僦皖公屋。漫撈春渚蝦。郎乘五花駿。妾駐七香車。宵御合歡被。晨趨長官衙。俠侍二青衣。脩眉傍髻鴉。夜屏金孔雀。春衫玉辟邪。時時雙鳳斂。倒挂烏巾斜。憶否同袍客。遠種青門瓜。孟光自椎布。銀鹿解咿啞。不聘茂陵妾。何惜守宮砂。臨汝亦修道。端居鳩水涯。謂漸西。隨身欠二草。結夢在三葭。始悟王子喬。得非神仙耶。

和五代楊景度詩帖

蒲團閒裏坐。茶夢定中圓。花雨來天女。松雲養地仙。

其二

平生鍊金液。自詡玉胎圓。誰料安期子。裁爲九等仙。沈約齊云此太史自寓由承明謫外之意

和李西臺觀東明寺後楊少師書壁詩

世人祇賞韭花帖。佛屋苔荒松麝寒。題名莫認楊風子。且當冬心畫竹看。金壽門自題畫竹云莫將蒲葦輕相比此是楊風子草書

和陪仲修先生憩廣濟寺登赭山卽送其游鄂中三十韻

老輩譚長舊。清襟景舊翁。逢迎秋水外。跌宕酒杯中。繡豸巡江甸。猶龍抱太空。登音聽蠟屐。吹律應黃宮。窗竹鳴佳雨。簾鈴動遠風。俸錢供作達。平世利和戎。蘇湖前年有教案近極安謐佛殿依紅樹。仙岑倚碧穹。仰攀捫狹徑。俯眎得鳬陂。居士官仍達。高僧隱豈充。幢如齊石峪。寺有古經幢二仙擬漢金銅。剗男虛窗見。深幽曲徑通。界

茶烹雪水。煙聲出蘭叢。苔壁詩初就。雲房別太恩。旌旗迴赭岸。姓字刻蒼崖。離思盈鷗水。高情絆鶴籠。鳩

茲帆影動。鸚鵡賦才工。節度今嚴武。謂南皮師交期昔孔融。楚鄉魚正美。姑熟鱖初紅。去作菱湖長。仲修所主經心書院

在菱湖寺側甯忘春穀封。情親黃菊淡。眼力素書窮。箋尾題霜橘。琴邊送晚鴻。好春傾麴米。寒色下梧桐。句比

江跳俊。心猶冶劍雄。赭山上相傳千將鑄劍於此皖中得章虎。關內憶終童。吏事深扶獎。詩林費折衷。來書云唐有趙

南今並世復得樊渭南將班詩人例以渭南得名乎。名稱嬾趙嘏。談箸接安豐。雅羨丹邱子。來詩有欲尋丹邱之句相邀黃石公。專場張觜距。

十五議圍攻。欲往江南老。何時林下逢。祇應蘇米聚。西向說文同。

原作

袁昶

名藍出郭見。步履兩衰翁。秋色橫相迓。村醪試一中。縈紆度林表。呼吸薄霄空。丹橘垂庭實。青蓮霽梵宮。

寒山從怪咄。槃特豈宗風。

閣內有風竈。納子亦知敬客。

疲瘵如靈運。談諧到阿戎。連日子微病。譚世兄及兒子懽梁從。層軒聚遠景。列岫

輒高穹。絡圍成奔轅。迴環飲壑深。柱維形勝壯。龜拯道情充。雲壁黃山峽。天摩碧海銅。濤圍赭岸圻。徑轉

赤華通。人語魚蝦市。嵐光紫翠叢。巴驢飛鞚往。酒姥玩鞭恩。虎踞前朝戍。豬涇大冢窿。縣東北周村有書

丹朱幢在。滴翠古軒籠。耕出戈鋌鏞。珣餘筆仗工。寺外有兩石經幢。一大中十二年。一乾符六年。滴翠軒

州日營。栖息于此耶。江流界吳楚。積氣動昭融。叢荻搖疏紉。攢楓出小紅。行廚深竹裏。王令送酒者至。嵌碣綠苔封。危塔

影斜矗。環洲浸不窮。蕭閒冠野籜。心迹送孤鴻。白雪樓思郢。客星臺憶桐。劍心離合乍。詩境盤開雄。淨業

栖初祖。辛言問小童。濁醒無此客。流別寫深衷。畏壘憂民癘。庚桑願歲豐。慙非鷓冠子。去逐鹿皮公。旗鼓

甯堪敵。孤虛笑待攻。楚游荀況老。嵩少尹洙逢。還似龍門雪。山行發興同。

奉答見寄二首

樊增祥

山公非隱仍非吏。自寫新詩闢嘯軒。句裏青山攜謝朓。握中元璧憶劉琨。清詞菊水流何遠。君表章卿縣菊潭。壓形篇

翰荒徑松風夢故存。密邇全椒尋羽客。一樽還爲酌桑根。

不須重唱湖陰曲。人物千年祇謫仙。白紵溪邊花裊裊。可兒墳上草芊芊。蛟門待穀千鈞弩。馬上傳觀七

寶鞭。勝日軒窗開滴翠。山靈排闥待庭堅。

八月十六夜湖隄望月次韻

華亭沈祥龍約齋

玉宇秋正中。空江霧方斂。今宵月尚佳。淝露芳掩冉。嘯侶來湖濱。攜行共刻刻。陂紆萬柳直。岸迴一鐙閃。茅簷三五家。夜分扉半掩。暗蛩莎下鳴。清露襟上點。意行忘遠近。略約接谿崦。遠性喧仍寂。詩心細還檢。忽起青蘋風。雲如蔚藍染。何藉南樓游。閒情自不減。

和友人夜出至湖隄小橋上望月

袁昶

水南鬱森沈。灌木秋氣斂。微茫辨遠岫。薄煙霏冉冉。攀攜清夜遊。佳興同泛剡。潭馨荷蓋殘。村火松明閃。裊裊略約上。璧月吐復掩。塢雲合鱗皴。龕燈射星點。奔泉注江閣。漚漚穿蘆崦。卽目娛清景。意行脫拘檢。惠能雕萬物。莊亦離諸染。何似濠梁語。會心應不減。

和

上元劉傳厚積堂

明月如靜士。乘秋氣深斂。微雲散復合。翕絕紛冉冉。偶逢勝侶邀。筆有騷壇剡。荷蓋淨於揩。龕燈遠還閃。應知放參枵。敷坐扉半掩。黯淡塢雙尖。依稀山幾點。老子遊物外。宿留皖公崦。清景詩追逋。逸情形脫檢。冶春欲作社。弱豪試濡染。何必王司李。相看鬢絲減。

和

江夏陳崇禮吟鉢

林氣生夕清。山光遠逾斂。方塘菱芡熟。水香紛掩冉。涼月穿雲行。時露光剡剡。褰裾信所之。木杪一星閃。岸欹樹斜出。徑仄蓬交掩。煙外來清鐘。聞聲得指點。感時秋已半。蕭寥集溪崦。心挈元化游。身便名教檢。羈孤仗依倚。學甚丹青染。後夜更追攀。婆娑興未減。

題安般續集

橘刺藤梢刪欲盡。洗除綺語向曹谿。狂泉穿井自殊飲。天馬行空不可羈。作手西江撚魯直。往曾惠敏贈
公詩云私淑

涪翁亦頗輸
君妙手得天成

淨名東寺契凝之。閉關索句家風在。未覺鰕生學步遲。

答沈約齋

袁昶

塵勞息前營。退儒就新斂。曩游興化門。侍坐由與冉。並釣珊瑚修。耦耕黛耜剡。草閣一燈寒。光入疏籬閃。秋潮郭索至。倦枕窗半掩。別來廿五年。知時獨慙點。我坐荒故園。君仍隱深崦。翩然肯相過。坐榻忘形檢。高士比素絲。素絲不受染。起予歲寒意。磔硯節未減。

答劉積堂

久雨岸沙積。窮秋野困斂。我來分秧初。流火驚荏冉。吏能非素習。鉛刀媿銳剡。仗有劉穆之。燭照罔象閃。昆刀出匣寒。光氣不可掩。判牒佐平反。文移不加點。時出小詞新。秀奪赭山崦。逸予但坐嘯。庶免觸崖檢。性不習倚聲。從茲擬熏染。常倚勝情豪。勿令高興減。

答陳吟鉢

世喧付淡忘。道勝期深斂。歲月如奔輪。常恐老冉冉。楚貢丹橘林。蔚然曾枝剡。浮江昨同行。水伯朱旗閃。金庭行自獻。文采爛難掩。憶與老馮翁。風甌日注點。故人鄭衡陽
君之外舅今遶林下甥。相識皖公崦。時出青瑤篇。會頌金泥檢。要懷濟物性。勿使垢氛染。君看後夜月。未覺清光減。

所居霍溼江漲欲入戶衣魚盡生窟穴書冊中兀坐深齋殊妙佳趣

陽侯齧隄根蕩滄勢未斂頗類柳永州所居溪氏冉叢蕉縱橫生臚不施薙剗莎砌寒花明檣燈一星閃而勢蒲魚市佳觀城堞掩竹書蟬粉黏素壁蝸涎點幾時出深甌構屋瞰懸崦卑溼且苟安淩雜從拘檢脫離京洛塵翻訝素衣染朝來津吏報石稜水痕減硤讀去聲

和道勝期深斂

陳崇禮

守瘖神理超課寂真觀斂虛緣自貞吉不待龜灼冉時人方火馳吏術務剗剗誰一起脂韋相尋習榆閃公乎孤月明不被浮雲掩清課詎妨功羣書自加點刈蕉關東齋看竹造西崦古帖拆繡池落衣生玉檢辛經正賴箋白業知不染道勝耀者肥嗤予帶圍減

答漸西

沈祥龍

昔年聚海隅年少氣未斂已忘何歲月流電去冉冉憶登宗匠門妄柄並施剗君志軋霄崢雕鏤萬象閃一官雖局束孤往自難掩牙齋苦填委案牘自勘點而我久誅茅寢瘵橫雲崦重約漫翁游相期舊學檢墨突不暇黔素絲宜慎染共分日力勤未覺心光減

再和

君詩如勝兵鼓行陣不斂險野欲薄人驚走叔山冉元龍豪未除陳吟才銳思再剗文房築長城劉積迴戈幟更閃我亦合餘燼閒道欲襲掩頗慮羸卒逋緹鴿苦難點不如處女守堅壁且守崦君言子無然軍

籍盡整檢。筆鋒縱積。禿一笑翰。又染咄咄。故將軍。鏃力石稜減。

次韻

略似雲山孫少述。水風諧適共迴谿。治官書竟還治學。負世事難如負羈。退隱使君言戲耳。澄清良吏勉爲之。丁公著余觀察使制有良吏澄清勉哉是行語卜鄰見約同三泖。長揖歸來亦未遲。

舊時淨舍擘經侶。一笑邀余出虎谿。咽露寒蟬思振翼。臥風病馬畏施羈。外除已乞荀文若。罪論終伸杜牧之。垂老自嗤才轉拙。佐人治郡已嫌遲。

補和

華亭沈惟賢思齊

欲卜泖峯居。端憂道情斂。不嫌飯甑塵。閉門師范冉。先生如賀公。投老常懷剡。思林匝地出。笑電依巖閃。弄月水潺湲。伐山雲罨掩。山餘青一髮。水散瀉千點。佳處一瓜牛。而藏最深崦。先生語我意。懸解忘形檢。試拂松圓畫。皴無成法染。且供臥遊趣。未覺心情減。

諸公屢和前韻見示復戲答

袁昶

君看臨河敍。筆縱氣轉斂。羣賢曳翠裾。雲集紛冉冉。新詩角妙語。孫許出東剡。仰觀天宇開。爛若巖電閃。勝流河代無。甯爲昔人掩。雖乏曲池觴。各倚珉管點。魏非內史才。敍次竹林崦。未諧丙舍誓。頗畏藍田檢。近山多可遊。石髮青于染。秋禊規同往。清襟良不減。

補和

歸安凌紱曾初平

心迹刻佩奇。手版甘邊斂。迴看舊巢痕。芳躅式有冉。往者寧肥城爲有子冉子故里。方術恥進身。何爲廁薦剡。交游三十年。歲月如電閃。訪公蒼江蹊。精舍赤華掩。忘言筌已棄。品水茶方點。猶憶湖上游。鐙火各深崦。自言符竹累。未頌芝泥檢。浮漚幻千場。淨業無一染。高談意轉清。風月興不減。

六十初度次韻答漸西樵巡

沈祥龍

白日何短短。人老則思傳。岫霞迴晚絢。園桂鐫春研。少壯苦不學。浮生過雲煙。緬懷興化師。元宰融天全。勁風不改色。木以節多堅。顧慙根器劣。懸解常茫然。枯蟬抱山葉。鈍鳥棲蘆邊。漸西澹蕩人。空水共澄鮮。相要證夙聞。擺落悠悠詮。湘君倚算竹。山鬼折芳荃。灑落石梁瀑。飛縈康谷泉。時時出狡獪。文句費瑯鐫。癖耆老禿翁。投分一何偏。淨庵水滌出。微徑花閒穿。酒鉗贈我歌。金石撞淵淵。頗垂卜鄰約。杖策崑山前。荒寒士衡宅。窈眇成連弦。寒暑視榮悴。善游常得天。共逐天隨子。不羨地行仙。

和秦淮水榭歌

劉傳厚

清溪宛轉入淮流。山似嚙蛾斂抑愁。榭裏明妝闌外月。青絲作管桂爲舟。幾許倡條和冶葉。玉簫譜按春蔥擲。妾是青樓蕩子婦。郎爲朱門游俠客。江雨江風欺管絃。春聲吹徹杏花天。紅蕉洞口鴛鴦宿。玉樹庭前蝴蝶牽。蝴蝶花開一樽酒。酒船翻濺羅裙透。八寶樓前晚卸粧。九華鐙下明如晝。鐙地牽郎金縷衣。曲高微雨燕雙飛。憑仗情天修月斧。等閒幻石訪支機。劫火洞燃青犢去。烽煙淨掃臺城路。重起層樓紅粉妝。舊來曲巷青楊誤。白門流水西風酸。衰柳長條倦眼看。那有金釵伴鍾乳。更無畫燭寫春蘭。春蘭秋菊

江南好。影事重重誰解道。昔日長眉滿鏡愁。十三學得箜篌抱。我亦多情憶舊游。前塵根觸不勝愁。桃根打槳今何在。寂寞寒潮古渡頭。

漸西爲予六十初度作詩次韻奉謝

不見笠澤翁。齋廚供菊杞。使君耽淨名。度世常忘己。老子蒲柳姿。焉得金石比。崎嶇餒日月。流電去如駛。猿鶴蟲沙中。花甲一周矣。鹽車歷九阪。壯志猶千里。社櫟閱世情。幸逃斤斧眚。晚逢沙社客。騷壇屬牛耳。滿襟襟靈表。窟穴文字裏。荷列衆形瑠。如飡醇酒美。譬撮水精鹽。投入功德水。雲閒有沈叟。並鞞尋山履。人謂兩禿翁。何殊園與綺。初地已忘吾。彌天應逐子。何用鍊金骨。松脂凝綠髓。

題安般續集

長洲袁寶璜渭漁

春風坐我許趨陪。海上牙琴意曠哉。悟徹何曾立一法。起拈花葉禮黃梅。

讀參軍蠻語

陽湖屠寄敬山

先生沈冥草太辛。別國方言有外篇。侯芭問字門許入。桓譚常言書必傳。孤懷欲著安邊論。弱植殊慙上水船。異日倘垂宣室召。奏技宛如烹小鮮。

次韻靜山太史

袁昶

索解欣來郭子辛。新瑀許贈白雲篇。羨君才力方逾上。老我疏頑廢所傳。將奏甘泉陪祀頌。欲浮春水上天船。考槃祇願君家故。赤水槎頭釣碧鮮。屠亦水考槃餘事於退居所須適體便人推求盡致亦殊有風趣

預邀同社諸君春禊

春晚餘寒匝地陰。散懷齊契仗登臨。栖心祇欲追蘭渚。把臂猶當入竹林。別有幽憂今異昔。但期諧隱陸恆沈。試開傑閣披襟看。一片花畦似散金。

書

屠寄

隨侍三日。飲食教誨。祇銘肺腑。舟中寂坐。尋繹拓禊篇。敬次原韻。兼申別緒。詩不成章。率錄奉上。敬求誨警。橋銘恩。恩書不愜意。擬覓紙再寫。此關勒之貞珉。不敢艸率。示後人以璞也。客中乏羅紋箋。僭用西域陟釐紙。非式特恩。求恕不恭。手肅叩謝。

禊集永福庵敬次韻

赭圻春色半晴陰。主客高樓約共臨。浩渺二江分舊派。離離一鳥出疏林。薄寒苦霧愁難撥。向晚斜陽惜欲沈。莫下新亭憂國淚。塞河且試鑄黃金。
師有別有幽憂今異昔之句故反釋之

茅庵寂寞枕湖陰。幕府風流此地臨。自脫繡衣從小隊。共攜芒屨步規林。勝懷禊序應追擬。好事豐碑且欲沈。是日晝觀音橋銘去去師門重回首。華筵恩禮費兼金。

南庵脩禊次韻

沈祥龍

意行同過綠楊陰。突兀高樓水際臨。雲約遠山噓畫檻。風傳疏磬出禪林。相邀蓮社吟朋聚。莫道蘭亭韻事沈。入座何妨今勝昔。神仙賓客重南金。

小作句留坐樹陰。不煩車馬此喧臨。題名略似普明院。齋會惜無支道林。平野尋芳春浩浩。流杯枕石綠沈沈。過江誰是持三論。莫遣流傳有碎金。

溫岐舊曲和湖陰。春水舟剛勝地臨。清曠江山開畫本。聯翩裾屐集詞林。惠風隄畔萍根煖。夢雨欄邊柳絮沈。不減永和觴詠興。良辰美景值千金。

漠漠天光弄夕陰。翛然我輩復登臨。名花韻淡依香界。歸鳥情幽託茂林。懷抱更應增曠達。功名且莫問升沈。但吟地主觀山水。孫統詩成似點金。地主觀山水。孫統蘭亭詩句也。

和南庵禪集

茗上凌 瑕子與

晴波灩灩柳陰陰。傑閣憑虛此快臨。大有尊壘供嘯咏。居然城市似山林。盍簪雅比臨河敘。擊鉢奚愁夕照沈。多謝主人壇坫盛。敢辭惜墨竟如金。

劉傳厚

傑閣參差萬柳陰。百年世事幾登臨。偶因上已開詩社。難得羣賢集梵林。塵夢不隨風蝶颺。名心漸與海鷗沈。夕陽扶醉歸來晚。野菜花開遍地金。

湘陰 彭兆琮印根

寺樓幽敞水之陰。偶約閒雲物外臨。隱隱紅橋論地主。垂垂黃海接疏林。千秋公讌詩才嬾。別派胥流霸業沈。今東壩湮蹟蓋伍員開中江故道。祇欲扁舟尋范蠡。越人空費鑄黃金。